

# SYAIR SEMENANJUNG (II) (OLEH AHMAD HUSIN)

61. Isteri yang muda, anak yang baharu,

Lenyak tidur tidak perasan,

Sungguhpun hatinya sangat

terharu,

Kuda ditunggang menuju ke hutan.

62. Kasih sayangnya masih terikat,

Dalam hatinya maya berniat,

Kembali kelak isteri melihat,

Isteri dan anak selalu diingat.

63. Tetapi sekarang ini ia berhajat,

Mencari kebenaran menerangkan hati,

Apabila yang dicari sudah didapat,

Akan kembali sebagai suami.

64. Bolehlah ia ke rumah kembali,

Melihat isteri yang muda dan taat,

Menimang anak yang sangat dikasihi,

Menjadi suami, guru dan penyelamat.

65. Kuda ditunggang tidak berhenti,

Jauhlah sudah kuda berlari,

Pergilah Buddha hendak mencari,

Rahsia hidup dimuka bumi.

66. Ke sebuah sungai sampai Gautama,

Cana yang mungir yang disuruh balik,

Kuda dan perhiasan ditinggalkan

semua,

Rambut yang panjang dipotong pendek.

67. Enam tahun lamanya Gautama

mencari,

Rahsia hidup yang penting sekali,

Susahlah Gautama tidak terperi,

Kegelapan masih mendung hati.

69. Kemudian, tibalah masa yang tidak

dilupai,

Waktunya itu pagi hari,

Keluarlah Gautama mencari

rezeki,

Di kampung orang yang suka memberi.

70. Dapatlah Gautama makanan pagi,

Di bawah pohon ia berhenti,

Duduklah ia suntuk sehari,

Memenungkan perkara hidup dan

mati.

71. Kuatlah ia berjuang melawan,

Godaan yang datang menggoncangkan iman,

Rasukan hidup bersuka-sukaan,

Datang menyerbu tidak tertahan.

72. Dalam perjuangan yang hebat ini,

Antara jasmani dengan rohani,

Kerana menentukan hidup dan

mati,

Cita-cita Gautama meninggikan

budi.

73. Ahirnya, kekuatan jiwa  
melemahkan rasuk,  
Cita-cita bersih terdiri tetap,  
Nafsu badan dapat ditunduk,  
Masalah hidup boleh dihadap.
74. Kebenaran didapati legalah Gautama  
Jadilah ia seorang Buddha,  
Fahaman yang benar dan keyakinan  
yang bercahaya,  
Bahawa kesukaan, kesedihan,  
nafsu dan cita-cita,  
Semuanya itu punca celaka.
75. Supaya akal dapat fahaman,  
Supaya hati lihat kebenaran,  
Supaya jiwa tenang dan aman,  
Pakailah jalan tengah, jalan yang lapan.
76. Jalan yang lapan ringkasnya  
begini,  
Berfikir, berniat, bergerak,  
berkehidupan,  
Mestilah betul tidak menyalahi,  
Baharulah budi tinggi dan  
murni.
77. Demikianlah ajaran seluruh  
negeri,  
Banyaklah orang memeluk agam,  
Setengahnya sampai datang kemari.
78. Banyaknya riwayat dari hal Buddha,  
Banyaknya riwayat yang sengaja direka,
- Yang banyak itu khayal belaka,  
Yang sungguh terlindung, Buddha  
dipuja.
79. Orang Hindi yang beragama Buddha,  
Keluar menyerang Teluk Benggala,  
Sampai ke Semenanjung sebagai  
pengembara,  
Lalu duduk di sebelah utara.
80. Kisahnya itu menjadi riwayat,  
Tulisan tua di batu di dapat,  
Bekas tinggalan di beberapa tempat,  
Diukir orang yang telah mendarat.
81. Penulis di batu tetaplah sudah,  
Bukanlah orang yang berfikiran  
rendah,  
Kandungan tulisan bukanlah  
mudah,  
Manusia fikiran dan alam  
jadi masalah.
82. Batu bertulis didapati di Kedah,  
Di Seberang Prai di daerah tengah,  
Halnya itu menjadi sejarah,  
Membuktikan manusia pindah memindah.
83. Menurut kata ahli sejarah,  
Yang tahu perkara tulisan di batu,  
Tulisan diukir sebelum hijrah,  
Seratus dua ratus tahun  
lebih dahulu.
84. Orang Hindi bukannya baharu,  
Datang kemari kea lam Melayu,  
Ke Samutera juga mereka menuju,  
Berniaga barang menghebah ilmu.
85. Orang Hindi orang berniaga,  
Merenduk jauh sampai ke Jawa,  
Membawa barang membawa agama,  
Adat rasmi yang mengubahkan jiwa.
86. Berkurun-kurun lamanya itu,  
Alam Melayu dipengaruhi Hindu,  
Dalam kesannya sampai begitu,  
Orang negeri bercara Hindu.
87. Hindi menyerang Teluk Benggala,  
China menyerang Lautan China,  
Orang Melayu juga mengembara,  
Sampai ke Semenanjung dari Samutera.
88. Di Samutera di zaman kuno,  
Sebuah negara sudah tercipta,  
Srivijaya namanya itu,  
Tempat perhubungan China dan Hindu.
89. Orang negara Srivijaya,  
Belayar sampai ke negeri China,  
Belayar sampai ke Hindi utara,  
Mengambil bahagian menyerang segera.
90. Jalan laut melalui selat,  
Terus sampai ke benua China,  
Jalan yang menyambung Timur Barat,  
Jalan lalu alim ulama.

91. Negeri Parsi dahulu kala,  
Negeri yang sudah bertamadun tua,  
Orangnya gagah lagi perwira,  
Rajanya kaya tidak terkira.
92. Orang Parsi dahulu kala,  
Masyhur namanya di serata dunia,  
Kekayaan Parsi diakui sekata,  
Rajanya bergelar “Raja Segala Raja”.
93. Sebelum Islam muncul ke dunia,  
Kapal Parsi belayar ke India,  
Membawa saudagar yang pandai  
berniaga,  
Sangka sampai ke negeri China.
94. Muncullah pula zaman yang  
baharu,  
Besar dan penting dalam sejarah,  
Umat mengaku Tuhan Yang Satu,  
Nabi Muhammad pesuruh Allah.
95. Tanah Arab asalnya Islam  
Ke dunia luar lalu terhebat,  
Orang yang percaya mengucapkan  
salam,  
Sifat kehidupan jadi berubah.
96. Apabila sampai agama yang cerah,  
Berhentilah manusia berhala  
menyembah,  
Patung berhala habis dipecah,
- Lenyaplah lalu zaman jahiliyyah.
97. Di barat di timur Islam terhebat,  
Semangat baharu keluar melangkah,  
Cergasnya itu maklumlah sudah,  
Pertentangan jahiliyyah habis  
dikalah.
98. Kota Baghdad zaman khalifah,  
Harum bauan dalam sejarah,  
Kota makmur, adil diperintah,  
Pusat ilmu yang banyak khazanah.
99. Di Baghdad kota utama,  
Alim ulama berhimpun di situ,  
Sibuk membuka rahsia yang lama,  
Sibuk mencari alam yang baharu.
100. Berbagai bangsa datang menumpu,  
Penuntut dan ahli sama menuju,  
Mendengar syarahan mengajar ilmu,  
Mengarang menterjemah tidaklah jemu.
101. Dari Damsyik ke Baghdad berpindah,  
Mulalah zaman keluarga Abbasiyah,  
Semenjak Harun al-Rasyid  
menjadi khalifah.  
Mulalah bersinar zaman yang megah.
102. Bertimbahlah cahaya zaman Abbasiyah,  
Apabila al-Makmun menjadi khalifah,  
Putera Harun ar-Rasyid hatinya cerah,  
Baghdad dan zaman sama beertuah.
- Berbagai ilmu digalakkan khalifah,  
Ilmu agama, sains dan falsafah,  
Banyak ahlinya bersyarah menterjemah,  
Perubatan, hisab, falakiah,  
aristotaliah.
104. Bandar Baghdad masyhurnya nyata,  
Pusat ilmu pusat berniaga,  
Gilang-gemilang seperti cahaya,  
Menerangkan jalan yang sedang dibuka.
105. Umat Islam yang ingin mengetahui,  
Dalam kitab pengetahuan dicari,  
Kitab karangan orang yang ahli,  
Baik Greek ataupun Hindi.
106. Dalam kitan pengetahuan dicari,  
Di luar kitab pengetahuan diuji,  
Ilmu yang tenggelam ditimbulkan  
kembali,  
Sekalipun jauh tidak peduli.
107. Di Sungai Tigris Baghdad  
terdiri,  
Sungai berkual di Teluk Parsi,  
Keluar masuk dagang santri,  
Membawa dagangan bertukar ganti.
108. Jauhlah sampai barang dagangan,  
Baghdad ke China mengharungi  
lautan.  
Saudagar berdagang menyampaikan  
ajaran.  
Bertapaklah Islam di China Selatan.

109. Kapal dagangan melalui selat,  
Mengangkut barang ringan dan berat,  
Pengembara di kapal perjalanan  
meriwayat,  
Apabila kembali dijadikan  
hikayat.
110. Abū Zayd, Mas‘ūdī, Idrīsī,  
Ahli ilmu yang banyak mengaji,  
Pelayaran di laut perjalanan  
di bumi,  
Riwayat ke China di kitab diisi.
111. Jalan selat ke negeri China,  
Pada zaman kurun sembilan,  
Sudah tetap serta terbina,  
Sentiasa diikuti kapal dagangan.
112. Parsi dan Arab orang  
berdagang,  
Lamalah sudah melalui selat,  
Dagangan dibawa lebih barangang,  
Sesudah Islam membaharui semangat.
113. Turun naik kapal pun lalu,  
Keluar masuk Selat Melaka,  
Pengembara China zaman dahulu,  
Pelayaran dicatit tidaklah leka.
114. Orang Cina yang banyak pusaka,  
Orang Cina yang rajin  
berniaga,
- Ribut gelumang ditempuh belaka,  
Tidak peduli malapetaka.
115. Sejarah di China yang tua dan kaya,  
Penuh mengandungi berbagai cerita,  
Hal perkara bermacam gaya,  
Adat resam tak dapat dikata.
116. Dalam riwayat sejarah China,  
Kidah peperangan banyaklah ada,  
Kisah raja-raja besar dan mulia,  
Kisah pengembara yang keluar  
berniaga.
117. Saudagar China orang bernai,  
Keluar berdagang sampai ke Parsi,  
Di Palembang juga mereka  
berhenti,  
Riwayat tertulis menjadi saksi.
118. Riwayat yang ditulis  
menzahirkan bukti,  
Di Samutera negeri sudah terdiri,  
Raja memerintah berganti-ganti,  
Di daerah Palembang raja bernegeri.
119. Negeri Palembang zaman dahulu,  
Raja memakai gelaran “Seri”,  
Tamadun yang subur puncanya Hindu.  
Tamadun yang membawa raja dan  
menteri.
120. Besarlah sungguh negeri Palembang,  
Dalam riwayat sudaah ketara,
- Masyhurnya itu tidaklah kurang,  
Meninggalkan riwayat sebagai cerita.
121. Semenanjung di seberang Selat Melaka,  
Negerinya suci tetaplah sudah,  
Tiada raja tiada negara,  
Bukan seperti Palembang yang megah.
122. Sebelah utara Semenanjung Melayu,  
Tempat tumpuan dari dahulu,  
Orang asing bangsanya Hindu,  
Datang bernegeri menulis  
di batu.
123. Kata ahli ilmu kuno,  
Zaman Palembang bertamadun  
Hindu,  
Orang dagang bangsanya Melayu,  
Di Semenanjung atau cara juga menumpu.
124. Dari seberang Selat Melaka,  
anyaklah orang dari Samutera,  
Datang ke Semenanjung negeri membuka,  
Sampai sekarang meninggalkan baka.
125. Berkurun-kurun tamadun Hindu,  
Tumbuh subur di alam Melatu,  
Menanam pusaka tamadun yang  
kuno,  
Dalam akarnya payah disapu.
- (bersambung)